

清源鄉志卷之四

城池

金城湯池以自固也誰與守此城者曰兵誰與養此兵者曰食晉陽三版未浸民卒固守尹鐸保障之力哉眾志成城亦以見民之好義焉志
城池附營防倉廩

隋開皇十六年因梗陽城故址築清源縣城周六里二百步高一丈八尺厚一丈基倍之濠深一丈二尺闊一丈五尺西南北三門上建戍樓環以雉
清源鄉志

卷之四

十九

堞明景泰二年重修宏治二年知縣胡顯宗創開東門十四年七月因汾河水漲復塞嘉靖間知縣于資會光盧賓彥李景先縣丞樊自新先後增築高至四丈厚至二丈萬曆十九年知縣邵蒞以南關城與南城接連處勢如梯階難以防守復一律增高並於東西城上各建敵樓一又重開東門建東關廂挑濠深闊以資守禦西修白石堰以防山水之衝崇禎十四年知縣岳維楨增修砌甃一百二十餘丈十六年知縣鄭經續修砌甃一百丈自

西門迤北至北門止

國朝

順治十七年知縣和羹增南關梗陽故城堦砌東西南三面袤長四百九十九丈三尺申准院司名曰新城康熙五十三年知縣李璠重修西門雍正十三年知縣石彬重修南門乾隆十八年知縣高登陞修西北兩門甕城西甕城長十七丈北甕城十二丈以防白石水患咸豐五年八月大雨白石河衝破西關堰直齧西門水不沒閘版者寸許城中鳴鉦號救頃刻水縮城賴以全是歲復修甕城石壩

清源鄉志

卷之四

三

南關爲梗陽城門有四東北曰延昌東南曰青陽俗名小東門西南曰永定俗名小南門西門廢止畱石壩仍曰小西門

西關舊城周三百四十丈久廢西近白石河防以石壩遇水漲卽下木版堵之關內有市樓一名鎮樓高可十數丈下砌甃洞四達順治十八年知縣和羹建同治十年城關紳董重修

北關舊城周二百八十丈久廢今迤北建義賑閣
卽舊之土門云

東關有門而湖水阻隔車不能行地窪下屢遭水
厄故葺屋寥寥

城關分六所城內以署東迤北爲在城一而北關
一帶隸焉迤南爲在城二而西門一帶暨東關及
馬家園平泉道趙家樓隸焉南關正街東至延昌
門暨陳羅二莊爲城南一南關西正街自閣門東
之注市巷西至小西門外等處爲城南二南關南
半城西至小南門東至小東門並城西白龍廟南
園等處爲城南三西關爲西關廂

營防

清源營汛屬太原營叅將轄並縣後仍設外委一

員額兵二十六名在城八名鋪汛其一十八名營

署圯廢權駐城中 關帝廟旁社學

總鋪 舊在城內巡署東今廢

固平墩鋪 在城北七里固驛村南北至太原縣界
牌三里省城七十里爲省南迤西官路

三村墩鋪 在城西南七里許北村梁泉馬
峪三村交界處俗名梁泉鋪

東于墩舖 在城西南十五里東于村

高白墩舖 在城西南二十里高白鎮

上四舖為省城汾州官路由固驛至高白鎮南五里許接交城夏家營界牌距交城縣十五里汾州城八十五里

堯城墩舖 在城東南三十里堯城鎮

羅村舖 在城東南三十五里羅村

上二舖為由省至祁縣官路南接祁縣界賈令鎮二十五里距祁縣城四十里

清源鄉志

卷之四

倉廩

常平倉原額穀一萬三千石現存穀一百一十四

石七斗五升二合三勺

自同治十年放賑開銷後屢遭荒歉一俟年豐

穀賤即當採買充補

社倉現存穀四百三十九石六斗四升六合二勺

廩口十二間俱在城西南隅

前東廩一座三間

前西廩一座三間

前南廩一座三間

西北廩一座三間

後東廩一座二間

後大廩一座三間

按乾隆二十九年縣治裁併倉儲應移縣城歷
任以費劇財匱暫緩三十七年知縣朱濬詳奉
咨部仍設清源舊廩遂爲永制

